



**SOCIJALDEMOKRATSKA PARTIJA
BOSNE I HERCEGOVINE
SOCIJALDEMOKRATI
GRADSKI ODBOR TUZLA**

**PROGRAM RADA
GRADSKE ORGANIZACIJE SDP BIH TUZLA ZA 2016. GODINU**

Tuzla, februar/veljača, 2016. godine

Uvod

Idejno - politička osnova za izradu Programa rada Gradske organizacije SDP BiH Tuzla za 2016. godinu su:

- *Program i Statut SDP BiH i rezolucije i drugi dokumenti Šestog kongresa SDP BiH, održanog 3. oktobra 2015. godine,*
- *Odluka o organizovanju Gradske organizacije SDP BiH Tuzla,*
- *Program rada Kantonalne organizacije SDP BiH Tuzla za 2016. godinu,*
- *Odluka o formiranju Komisije za izradu Programa rada GO SDP BiH Tuzla za 2016. godinu*¹
- *Ostali dokumenti SDP BiH, KO SDP BiH Tuzla i GO SDP BiH Tuzla..*

1. Društveni ambijent koji se očekuje u 2016. godini

Djelovanje Gradske organizacije SDP BiH Tuzla u 2016. godini odvijace se u ambijentu višegodišnje nepovoljne ekonomske situacije u BiH koju karakterizira nezadovoljavajući stepen proizvodnje i stvaranja novih vrijednosti u realnom sektoru privrede, mali broj investicija i javnih radova, visoki doprinosi na plaće i različita parafiskalna izdvajanja na teret poslodavaca, još uvijek vrlo teško stanje u velikom broju javnih i privatizovanih privrednih društava koja su nekada bila okosnica i nosioci razvoja Tuzle i tuzlanskog privrednog bazena (najveći broj njih je lociran u Tuzli: Livnica, Dita, Aida, TTU, Guming, Polihem, Tuzko, Hotel Tuzla itd.), zatim sve veća nelikvidnost budžeta, penzionih, zdravstvenih i drugih javnih fondova, velika besparica i zaduženost Zemlje, visoka stopa nezaposlenosti i siromaštva stanovništva i općenito veoma nepovoljna socijalna situacija u Tuzli, Tuzlanskom kantonu i Bosni i Hercegovini.

Političku situaciju u Tuzli, Tuzlanskom kantonu i Bosni i Hercegovini u 2016. godini još će karakterizirati dalje nesuglasice i izostanak konsenzusa između vladajućih političkih subjekata na svim nivoima vlasti oko dalje dogradnje ustavnog i unutrašnjeg teritorijalnog uređenja BiH, oko napokon konačnih otklanjanja ustavnih neravnopravnosti, segregacija i diskriminacija građana Bosne i Hercegovine (presuda Sejdić - Finci i ostalo), oko inoviranja izbornog zakonodavstva BiH i oko ispunjavanja nužnih uslova za nastavak procesa pristupanja EU i NATO. Za integraciju Bosne i Hercegovine u euro - atlanske institucije i organizacije i dalje će, pored ostalog, biti otežavajuća okolnost to što se to u posljednje vrijeme sve više stavlja u kontekst i ovisnost od skeptičnih gledanja na te procese nekih zemalja iz našeg bližeg i šireg okruženja kroz prizmu njihovih separatih geopolitičkih interesa.

¹Predsjedništvo GO SDP BiH Tuzla je imenovalo Komisiju za izradu Programa rada GO SDP Tuzla za 2016. godinu u sastavu: Ranko Pejanović, Adis Kovčić i Redžep Ismajlovski.

I dalje će na političkom planu u BiH biti prisutna neslaganja, nerazumijevanja i izostanak povjerenja i dijaloga između organa vlasti i sindikata i subjekata civilnog društva po pitanju adekvatnijeg rješavanja i ispunjenja radničkih prava i socijalnih prava stanovništva (radnici, penzioneri, invalidi, borci, djeca, žene porodilje, lica koja trebaju tuđu njegu, lica slabijeg imovinskog stanja, beskućnici, prosjaci itd.), kao i neslaganja vladajućih političkih partija po pitanju održanja stabilnih skupštinskih većina na svim nivoima vlasti, što će i dalje proizvoditi veoma nepovoljne javne i društvene ocjene o nosiocima zakonodavne i izvršne vlasti i općenito o svim sadašnjim protagonistima političkih zbivanja u BiH, neovisno od toga jesu li na vlasti ili u opoziciji.

Ne treba isključivati ni mogućnosti i ozbiljnih građanskih inicijativa, pritisaka, neposluha i socijalnih protesta na određena društvena i socijalna stanja i aktuelne društvene događaje u Tuzli, Tuzlanskom kantonu i BiH.

Za očekivati je da će opće društveno stanje u 2016. godini odlikovati i ponekad senzacionalistička, sa stanovišta profesionalne selektivnosti nejasna i za građane zbunjujuća postupanja organa državne represije u sferi vladavine zakona i pravne države u BiH, više nego ikada ranije realno prisutna opasnost od domaćeg i međunarodnog terorizma, visok stepen kriminala i korupcije, rada na crno, poreskih utaja i drugih oblika sive ekonomije i društveno neodgovornog poslovanja, te lična, imovinska i pravna nesigurnost građana, vrlo česta i široko rasprostranjena kršenja ljudskih prava i sloboda i kod velikog broja građana stanje općeg nepovjerenja u političke i državne institucije i javnu upravu, masovnog nezadovoljstva, razočarenja, revolta, osjećaja bezperspektivnosti itd.

Pored navedenog, u 2016. godini će se održati Lokalni izbori u BiH u vezi sa kojima se može očekivati vrlo dinamična i otvorena izborna kampanja i bespoštedna borba između političkih rivala za povjerenje građana i što bolji izborni rezultat.

Gradska organizacija SDP BiH Tuzla u ove izbore ulazi sa činjenicom da od 2010. godine kada je imala 20.732 glasa za Skupštinu Tuzlanskog kantona (39,56%) ima trend naglog pada izbornog rezultata i podrške građana, jer je na Lokalnim izborima 2012. godine imala 12.502 glasa (30,72 %), a na Općim izborima 2014. godine samo 6.566 glasova za Skupštinu TK (13,51 %). Sa ovim izbornim rezultatom iz 2014. godine SDP je prvi put od uvođenja višestranačkih izbora u BiH izgubila poziciju vodeće političke partije u Tuzli.

Biračko tijelo u gradskoj političkoj zajednici Tuzle je preko 113.000 birača (na izborima 2014. godine - 113.111), a izlaznost građana na izbore je u kontinuitetu uglavnom ispod 50 % (samo je 2010. godine izlaznost bila 50.27%, a u posljednjih šest izbornih ciklusa, od 2004. - 2014. godine, prosječna izlaznost u Tuzli je 44.13 %).

Na višim nivoima vlasti GO SDP BiH Tuzla ima po jednog poslanika u Parlamentarnoj skupštini Bosne i Hercegovine, Parlamentu Federacije BiH i Skupštini Tuzlanskog kantona. Na nivou lokalne uprave i samouprave, u sadašnjoj konstelaciji, SDP BiH ima gradonačelnika Tuzle kao nosioca izvršne vlasti u Gradu Tuzla i relativnu većinu u

Gradskom vijeću Tuzla sa 11 (10 + 1 iz NM) vijećničkih mandata i pozicijom predsjedavajućeg i dopredsjedavajuće Gradskog vijeća Tuzla. Pored SDP BiH, u Gradskom vijeću Tuzla još učestvuje sedam političkih subjekata koji su na Lokalnim izborima 2012. godine prešli izborni prag, između 23 politička subjekta koji su učestvovali na tim izborima, a to su:

1. SDA sa 6 vijećnika i 6.923 glasa
2. SBB sa 4 vijećnika i 4.784 glasa
3. NSRzB sa 3 vijećnika i 3.834 glas
4. BOSS sa 2 vijećnika i 2.941 glas
5. HDZ BiH sa 2 vijećnika i 2.609 glasova
6. Tuzlanska alternativa sa 2 vijećnika i 2.476 glasova
7. SzBiH sa 1 vijećnikom i 1.237 glasova

Koliko će političkih subjekata i sa kakvim izgledima učestvovati na ovogodišnjim Lokalnim izborima šire će biti procijenjeno i iskazano u Izornoj strategiji GO SDP BiH Tuzla.

2. Dinamika aktivnosti

Aktivnosti GO SDP BiH Tuzla u 2016. godini odvijace se u četiri programska ciklusa, odnosno perioda:

2.1 Period programiranja godišnjih aktivnosti i prethodnih predizbornih aktivnosti, od januara do aprila,

U ovom periodu će se sačinjavati i usvajati godišnji program i operativni plan rada, zatim izborna dokumenta (Izborni program - lokalne politike i Izborna strategija sa utvrđenim izbornim ciljevima), formira se Izborni štab koji sačinjava svoj plan rada, aktivira djelovanje na projektu sigurnih glasova itd.

2.2 Period neposrednih priprema za izbore, od aprila do septembra

Konačno se definišu izborna dokumenta i izborni planovi, utvrđuju liste kandidata, određuju prijedlozi kandidata za biračke odbore i posmatrače, provodi obuka posmatrača i volontera, realizuju utvrđeni programi komunikacije sa građanima, održava Promotivna konvencija Gradske organizacije SDP na kojoj se predstavljaju kandidat SDP za gradonačelnika i nosilac liste i kandidati SDP za Gradsko vijeće i načelno najavljuju osnovne značajke Izbornog programa – lokalnih politika, realizuje eventualno opredijeljeni i na organima usvojeni program edukacije novoprimitljenih i mlađih članova SDP i kandidata na listama, na prijedlog Izbornog štaba usvaja se definitivni plan svih javnih političkih skupova državnog, kantonalnog i gradskog značaja i svih drugih javnih manifestacija i ostalih promotivnih aktivnosti u toku mjeseca zvanične – manifestacione izborne kampanje (medijski nastupi, bilbordi, city lighti, poster, plakate, afiše, pisma svim

domaćinstvima, pozivi, leci, info stolovi, reklamni pokloni i materijali itd.), te Plan postupanja na dan šutnje i dan izbora.

2.3. Period zvanične - manifestacione izborne kampanje, od 2. septembra do 2. oktobra

U ovom periodu će se poduzimati i provoditi sve aktivnosti koje su utvrđene ranije usvojenim detaljnim Planom djelovanja u mjesecu zvanične izborne kampanje i na dan šutnje i dan izbora. Njihovu realizaciju će ostvarivati Izborni štab GO, uz punu pomoć svih organa, radnih tijela, interesnih organizacija i svih članova i aktivista u svim oblicima organizovanja Gradske organizacije SDP BiH Tuzla, a sve u cilju potvrde i prezentovanja snage SDP BiH i uvjerljivosti i vjerodostojnosti njenih izbornih programa i programske partijske politike.

2.4. Period postizbornih aktivnosti, od dana izbora do kraja godine .

Sačinjava se Izvještaj Izbornog štaba o provedenim izbornim aktivnostima i postignutim izbornim rezultatima koji se podnosi organima Gradske organizacije na razmatranje i usvajanje, sa čime prestaje funkcija Izbornog štaba. Aktiviraju se radne grupe za izradu Analize postignutih izbornih rezultata i za izradu godišnjeg Izvještaja o radu Gradske organizacije SDP i Programa rada za narednu godinu, te aktivnosti na implementaciji izbornih rezultata postignutih na Lokalnim izborima 02.10.2016. godine.

3. Sadržaj aktivnosti

AKTIVNOSTI SDP U ZAKONODAVNOJ I IZVRSNOJ VLASTI

Po izbornim rezultatima na Općim izborima 2014. godine SDP BiH ne učestvuje u skupštinskim većinama i u izvršnoj vlasti u kantonima, entitetima i na državnom nivou. Organi Gradske organizacije SDP BiH Tuzla će u 2016. godini kontinuirano pružati punu podršku i pomoć poslanicima SDP BiH iz Tuzle u Parlamentarnoj skupštini Bosne i Hercegovine, Parlamentu Federacije BiH i Skupštini Tuzlanskog kantona u njihovom aktivnom opozicionom djelovanju u ovim predstavničkim tijelima. Sva zakonska i druga rješenja u provođenju aktuelne Reformske agende, ekonomskih, socijalnih i svih drugih društvenih reformi koja će biti dobra za građane i za dalji razvoj i napredak BH države i društva SDP BiH će podržavati (naročito ona rješenja koja daju akcenat na podizanje ekonomske moći društva, veće zapošljavanje, ublažavanje zabrinjavajućeg siromaštva velikog procenta stanovništva, socijalnu pravdu, borbu protiv kriminala i korupcije, opću, ličnu i imovinsku sigurnost itd.), a vrlo aktivno i odlučno će se suprostavljati onim rješenjima vladajućih političkih stranaka koja su na štetu građana, radnika, penzionera i socijalno ugroženih, ranjivih i marginaliziranih kategorija stanovništva i na štetu daljeg pozitivnog razvoja ekonomskih, političkih i društvenih odnosa u našoj zemlji.

Odgovarajuću pomoć u radu će im, shodno svojim mogućnostima i nadležnostima, pružati

svojim prijedlozima i inicijativama savjeti GO SDP BiH Tuzla za ekonomski razvoj, zdravstvo, obrazovanje, socijalnu zaštitu, boračka pitanja, zaštitu okoliša i za druge društvene oblasti u kojima se provode odgovarajuće reforme, te interesne organizacije - forumi GO SDP BiH Tuzla kroz iskazivanje njihovih interesnih prioriteta u ostvarivanju i afirmaciji prava i povoljnijeg društvenog položaja mladih, žena, seniora i sindikalnih aktivista.

U skladu sa Operativnim planom rada Predsjedništva i Gradskog odbora SDP BiH Tuzla koji će biti sačinjen na temelju ovog Programa, periodično će se na ovim organima razmatrati izvještaji i informacije o radu Kluba vijećnika SDP BiH u Gradskom vijeću Tuzla.

Gradska organizacija SDP BiH Tuzla će pružati punu pomoć SDP - ovom gradonačelniku Tuzle, kao nosiocu izvršne vlasti u Gradu Tuzla da sa svojim saradnicima uspješno realizuje programe i planove komunalnog i ukupnog društvenog razvoja gradske političke zajednice Tuzla, što će konzekventno pozitivno uticati na opredjeljenje građana da na predstojećim Lokalnim izborima 2016. godine ponovo daju povjerenje i podršku kandidatima SDP za gradonačelnika i za Gradsko vijeće Tuzle.

AKTIVNOSTI U TOKU PREDIZBORNE I IZBORNE KAMPANJE ZA LOKALNE IZBORE 2016. GODINE

S obzirom da će se u 2016. godini u Bosni i Hercegovini održati lokalni izbori, pred Gradskom organizacijom SDP BiH Tuzla su brojni zadaci na planu adekvatnih priprema za izbore i za vođenje uspješne i aktivne predizborne i izborne kampanje. S tim u vezi, Gradska organizacije će, u koordinaciji sa KO SDP BiH Tuzla i SDP BiH, u prvoj polovini 2016. godine, blagovremeno provesti procedure utvrđivanja listi kandidata SDP BiH za gradonačelnika i za Gradsko vijeće Tuzla, zatim formirati Izborni štab i sačiniti i na svojim organima usvojiti izborne dokumente, to jest Izborni program i Izbornu strategiju, te konkretan Plan izborne kampanje.

Kvalitetnim i realnim Izbornim programom - lokalnim politikama treba biti razrađeno ono što će SDP BiH u Gradu Tuzla ponuditi građanima u toku predizborne i izborne kampanje kao izbornu obećanje za mandatni period 2016.- 2020. godina po pitanju komunalnog, ekonomskog i ukupnog društvenog razvoja naše gradske političke zajednice i njene lokalne uprave i samouprave po principima Evropske povelje o lokalnoj samoupravi.

Pri izradi Izbornog programa – lokalnih politika koristiće se sve korisne kritike, prigovori, sugestije, prijedlozi i realna životna očekivanja građana do kojih ćemo dolaziti kroz različite forme i programe komunikacije sa građanima, kao i mišljenja partijske baze koja budu iskazana kroz redovne partijske aktivnosti i kroz pokrenutu akciju anketiranja članstva na nivou SDP BiH o njihovim prijedlozima mogućih elemenata lokalnih izbornih programa. Ovo anketiranje članstva se po procjeni može i dodatno organizovati posebno za gradsku političku zajednicu Tuzle u dogovoru sa anketnim centrom SDP BiH. Sem toga, u izradi Izbornog programa - lokalnih politika GO SDP BiH Tuzla koristiće se Uputstvo za izradu Izbornog programa za lokalne izbore 2016. godine koje je prezentovano na Strateškom planiranju SDP BiH, održanom u Tesliću 6 i 7 februara ove godine.

U Izornoj strategiji će se, pored određenja načina i taktike vođenja izborne kampanje, konkretno razraditi opći i posebni izborni ciljevi i planovi po egzaktnim i mjerljivim veličinama i pokazateljima (koliko Gradska organizacija realno može, u apsolutnom broju, osvojiti glasova i vijećničkih mandata i kakvi su realni izgledi za izbor gradonačelnika iz SDP BiH). Postavljene izborne ciljeve treba Strategijom konkretno razdijeliti po osnovnim organizacijama SDP na području Grada Tuzla, po dogovoru sa njima i po njihovim procjenama očekivanog izbornog uspjeha, što bi bilo njihovo neposredno zaduženje čijim ispunjenjem bi pojedinačno doprinijele ukupnom izbornom rezultatu SDP na nivou Grada Tuzla i u tom pogledu nosile svoj dio odgovornosti za ostvarenje izbornog cilja i plana.

Minimum izbornih ciljeva SDP BiH u Tuzli treba biti očuvanje pozicije gradonačelnika i osvajanje broja glasova za Gradsko vijeće Tuzla makar koliko je SDP imala 2012. godine (12 502 glasova, 11 vijećničkih mandata). Rezultat ispod ovog minimuma značio bi novi težak izborni poraz SDP BiH u Tuzli i njeno dovođenje u poziciju najvećeg izbornog gubitnika ovog desetljeća.

U cilju postizanja što boljih izbornih rezultata, na temelju elektronske verzije projekta Siguran glas i projekta Door to door kampanje (od vrata do vrata), te aktuelnih biračkih spiskova dobijenih od SDP BiH, kao i naših dosadašnjih evidencija o sigurnim glasovima, potrebno je odmah pokrenuti aktivnosti po pitanju intenziviranja komunikacije sa biračima u cilju provjere, ažuriranja i dopunjavanja baza podataka o sigurnim glasovima za SDP. Osnovne organizacije SDP u okviru GO SDP BiH Tuzla i svaki njihov aktivni član moraju biti u središtu i osnovni nosioci provedbe projekta sigurnih glasova i door to door kampanje na svom mjesnom području i po konkretnim biračkim mjestima u mjesnim zajednicama i područjima, što podrazumijeva i njihovu odgovornost za ispunjenje ili neispunjenje njihove obaveze, odnosno njihovog unaprijed određenog konkretnog udjela u ukupnom izbornom cilju i planu Gradske organizacije SDP BiH Tuzla. Pored ovoga, u određenim interesnim kategorijama stanovništva, ciljnim grupama SDP i u nekim specifičnim radnim i mjesnim sredinama, organi, forumi i Izborni štab Gradske organizacije SDP BiH Tuzla će projekat sigurnih glasova djelimično moći realizovati i metodom tzv. „piramida“, ali osnovne aktivnosti na prethodnom obezbjeđenju sigurnih glasova će se, na gore opisani način, provoditi u osnovnim organizacijama SDP i članstvu. Radi uspješnosti na tom polju, najmanje jednom mjesečno pred cjelokupnim članstvom osnovne organizacije SDP analizirati dostignuti stepen obezbjeđenja planiranog broja sigurnih glasova za tu osnovnu organizaciju, sagledavati uočene propuste i slabosti i na vrijeme, dok je to još moguće, prije izbora, otklanjati nedostatke i popravljati stanje planiranih sigurnih glasova.

Vezano za projekt sigurnih glasova, koristiće se preporuke Izbornog štaba SDP BiH sa održanog u Tesliću i još dva planirana strateška planiranja vezano za predstojeće lokalne izbore u BiH i podaci iz anketa i ispitivanja javnog mnjenja koje bude organizovala SDP BiH preko svog Call centra, ili podaci koje SDP bude dobijala iz drugih izvora koji se bave javnim anketama i izbornim procjenama. U saradnji sa pomenutim Call centrom SDP BiH, po potrebi se mogu organizovati istraživanja javnog mnjenja i rejtinga SDP i drugih političkih snaga i njihovih kandidata samo za područje Grada Tuzla.

U okviru ovih aktivnosti potrebno je, u saradnji sa Centrom za edukaciju SDP BiH, planirati i adekvatnu edukaciju sigurnih birača za SDP BiH, kao i naših članova i aktivista koji će biti angažovani u biračkim odborima, u ulozi posmatrača izbora i na volonterskim zadacima, te kandidata na izbornim listama.

KOMUNIKACIJA SA GRAĐANIMA/KAMA

Pored svakodnevnih kontakata članova i aktivista SDP BiH sa građanima iz njihovog radnog, poslovnog, porodičnog, rodbinskog, poznaničkog i drugog okruženja kroz koje se pružaju brojne prilike i mogućnosti za uspješno tumačenje i afirmisanje politike SDP BiH kod građana i za privlačenje njihove podrške za SDP, u toku 2016. godine će se na području Grada Tuzla realizovati i nekoliko projekata organizovane i planske komunikacije sa građanima. Sem kontakata sa građanima kroz realizaciju Programsko - promotivne konvencije GO SDP BiH Tuzla u aprilu/maju ove godine i Plana izborne kampanje kojim će konkretno biti razrađen kalendar političkih govora i obraćanja i političkih skupova i manifestacija i svih drugih promotivnih aktivnosti u toku mjeseca zvanične izborne kampanje (septembar 2016.godine), ocijenice se još potreba i mogućnost da se u periodu april-juli 2016.godine, to jest prije zvanične izborne kampanje, realizuje još jedan broj javnih tribina ili nekog sličnog oblika planske komunikacije sa građanima na nivou Gradske organizacije SDP BiH Tuzla sa akcentom na prethodno i dopunsko upoznavanje građana sa Izbornim programom - lokalnim politikama i na predstavljanje kandidata za gradonačelnika i za Gradsko vijeće. (Na primjer: „Na kafi sa građanima“, „Građani pitaju - SDP odgovara“ i sl.).

Forumi i savjeti GO SDP BiH Tuzla će se također sa svojim programima rada uključiti u ovako planiranu komunikaciju sa građanima, odnosno sa njihovim interesnim skupinama građana, kroz forme okupljanja, razgovora, javnih rasprava, tribina, okruglih stolova, obilježavanje različitih praznika, datuma i jubileja, humanitarnih i drugih akcija, izleta, druženja, zabava itd..

RAD ORGANIZACIJA, ORGANA I FORUMA

Gradski odbor SDP BiH Tuzla i njegovo Predsjedništvo će, na temelju ovog Programa, sačiniti Operativni plan rada za 2016.godinu po konkretnim aktivnostima, izvršiocima, rokovima i po odgovarajućoj dinamici održavanja sjednica kako to predviđa Statut SDP BiH i Odluka o organizovanju GO SDP BiH Tuzla i dinamici realizacije planiranih aktivnosti.

Nadzorni odbor, forumi, savjeti i druga radna tijela GO SDP BiH Tuzla će djelovati po vlastitim programima i planovima rada kao sastavnim i usaglašenim dijelovima ovog Programa.

Sve osnovne organizacije SDP koje djeluju na području Grada Tuzla su dužne sačiniti svoje planove rada i formirati svoje izborne štabove.

Sve organizacije, organi i ostali oblici djelovanja u okviru Gradske organizacije SDP BiH Tuzla periodično će sagledavati i analizirati uspješnost realizacije njihovih programa i planova rada, poduzimati odgovarajuće mjere na otklanjanju uočenih slabosti i nedostataka i o tome informisati po partijskoj vertikali. Isto tako. dužni su maksimalnu pažnju posvetiti metodu svoga rada i organizacionom i akcionom unapređenju i usavršavanju u cilju uspješnog provođenja utvrđene partijske politike, ostvarenja zacrtanih ciljeva i održanja i povećanja podrške i

povjerenja građana u politiku SDP BiH. U okviru toga naročitu pažnju treba pokloniti osnovnim organizacijama kao osnovnim oblicima političkog organizovanja i djelovanja, akcionom jedinstvu članova i aktivista SDP u dosljednom i principijelnom provođenju opštih programskih i političkih načela i opredjeljenja SDP BiH, zatim podmlađivanju članstva i širenju fronta simpatizera i građana koji daju podršku SDP BiH. U mjesnim zajednicama gdje je zamro ili zapušten rad osnovnih organizacija SDP uvešće se povjereništva.

Pored aktivnosti organizacija i organa i drugih statutarnih oblika djelovanja Gradske organizacija SDP BiH Tuzla, na osnovu dosadašnjih pozitivnih iskustava, nastaviće se sa praksom povremenih organizovanja proširenih sjednica organa i radno-konsultativnih sastanaka predsjednika i rukovodstva GO SDP BiH Tuzla sa članovima viših organa SDP BiH iz Tuzle, predsjednicima osnovnih organizacija SDP BiH iz Tuzle, predsjednicima foruma i radnih tijela Gradske organizacije itd., a u cilju uspješnosti i kontinuiteta operativnih planiranja, kontrole izvršenja planiranih zadataka i koordinacije onih aktivnosti koje su u toku ili koje neposredno slijede. U istom cilju će se nastaviti i sa praksom povremenih radnih obilazaka osnovnih organizacija SDP od strane predsjednika GO sa saradnicima iz rukovodstva GO SDP BiH Tuzla. Isto tako, nastaviće se sa praksom formiranja privremenih organizacionih odbora za uspješnu pripremu i organizovanje značajnijih javnih političkih skupova i manifestacija.

AKTIVNOSTI NA PLANU MEDIJSKOG PREDSTAVLJANJA I POLITIČKOG MARKETINGA

U saradnji sa Službom za odnose sa javnošću Kantonalnog odbora SDP BiH Tuzla, koordinator ovih poslova u GO SDP BiH Tuzla će sačiniti, ponuditi organima na usvajanje i realizirati plan adekvatne medijske promocije Gradske organizacije SDP BiH Tuzla u toku 2016. godine. Ovim planom, pored redovnog medijskog predstavljanja svakodnevnih političkih aktivnosti, akcija i manifestacija GO SDP BiH Tuzla, dodatno će se razraditi aktivnosti na javnom predstavljanju uspjeha koje SDP BiH postiže u zakonodavnoj i u izvršnoj vlasti u Gradu Tuzla, te na uspješnom predstavljanju i promoviranju budućeg Izbornog programa - lokalnih politika i kandidata za gradonačelnika i za Gradsko vijeće.

Aktivnosti na polju medijskog predstavljanja i političkog marketinga, propagande i reklame u toku mjeseca zvanične izborne kampanje će biti posebno razrađene zajedničkim jedinstvenim planom te kampanje na nivou GO SDP BiH Tuzla, a u skladu sa jedinstvenim vizuelnim izgledom izborne i reklamne kampanje SDP BiH.

KADROVSKA POLITIKA

Organi Gradske organizacije i njena Kadrovska komisija će u prvom kvartalu 2016. godine kontaktirati sve dosadašnje članove SDP BiH koji se iz određenih razloga nisu reevidentirali, a nisu se odselili iz Tuzle ili prešli u drugu političku stranku i kroz razgovore sa njima utvrditi razloge njihove pasivizacije i sagledati mogućnost njihovog ponovnog reevidentiranja ili određenog aktiviranja u djelovanju SDP.

U skladu sa principima kadrovske politike SDP BiH (član 69. Statuta SDP BiH) i Pravilnikom o kriterijima za predlaganje kandidata za izborne i imenovane funkcije u SDP BiH i u organima vlasti, blagovremeno će se provesti aktivnosti na utvrđivanju kandidata za gradonačelnika Tuzle i kandidatske liste za Gradsko vijeće Tuzla.

Ažuriraće se baze podataka o sadašnjem rasporedu kadrova SDP BiH iz Tuzle u skupštinskim komisijama, upravnim i nadzornim odborima i na rukovodnim dužnostima u javnim preduzećima, ustanovama i institucijama na svim nivoima vlasti, kao i o kadrovima na koje će se, po njihovim stručnim sposobnostima i kompetencijama i opredjeljenošću da dosljedno i principijelno provode politiku Partije i realizuju njena programska i politička opredjeljenja, moći računati u fazi implementacije izbornih rezultata poslije Lokalnih izbora u BiH u oktobru 2016. godine i dugoročnije, među kojima mogu biti i oni koji nisu aktivni članovi SDP, ali podržavaju politiku SDP BiH kao dokazani akademski, privredni, kulturni, sportski, humani i drugi javni djelatnici i autoriteti.

U vođenju kadrovske politike imaće se puni respekt prema prijedlozima i mišljenjima iz partijske baze i još više će se afirmisati veća i dinamičnija uključenost svih organizacija, organa, foruma, radnih tijela i svih članova Partije u aktivnosti na polju kadrovske politike. U cilju prethodne provjere rejtinga pojedinih kadrovskih prijedloga za značajnije funkcije u organima SDP i u zakonodavnoj i izvršnoj vlasti, ili listi kandidata , po procjeni i potrebi će se organizovati anketiranja članstva kako bi rezultati tih anketa, kao iskustvena i komparativna slika izborne volje šireg članstva, bili od pomoći organima koji po Statutu SDP BiH donose konačne odluke u domenu kadrovskih rješenja. Na strateškom planiranju SDP BiH održanom u Tesliću 6/7 februara ove godine planirano je da će, za predstojeće evidentiranje kandidata za gradonačelnike/načelnike općina i za općinska/gradska vijeća, svim aktivnim članovima SDP biti podijeljeni posebni obrasci za predlaganje potencijalnih kandidata, na osnovu čega će organi općinskih/gradskih organizacija, u skladu sa Statutom SDP BiH, utvrditi konačne liste.

Adekvatnim djelovanjem organa i odgovarajućih radnih tijela GO SDP BiH Tuzla u vođenju kadrovske politike, u kontinuitetu će se eliminirati uočene pojave da SDP sve više postaje partija koja ima nezadovoljavajuću situaciju u rodnom, starosnom, multietničkom i socijalno - klasnom političkom i profesionalnom predstavljanju u zakonodavnim, izvršnim i javnim državnim institucijama, ustanovama, službama i preduzećima, pogotovo što je u našem društvu odomaćen ne mali broj oblika diskriminacija te vrste.

SARADNJA SA DRUGIM POLITIČKIM PARTIJAMA, SINDIKATIMA, NEVLADINIM ORGANIZACIJAMA I OSTALIM SUBJEKTIMA CIVILNOG DRUŠTVA

GO SDP BiH Tuzla će održavati i razvijati konstruktivnu i produktivnu saradnju sa političkim partnerima sa kojima sada, do narednih izbora, konstituira većinu u Gradskom vijeću Tuzla. U skladu sa generalnim opredjeljenjem SDP BiH za jačanje bloka ljevice u Bosni i Hercegovini i na temelju procjena političkog stanja i političke slike na području Grada Tuzla , GO SDP BiH Tuzla će sagledavati i procjenjivati mogućnosti konkretnije saradnje u izbornom procesu 2016. godine sa pojedinim političkim partijama koje su SDP-u BiH bliske

programske orijentacije, a u cilju postizanja dobrih izbornih rezultata i pozitivnih i korisnih učinaka na daljoj demokratizaciji društvenih odnosa u Gradu Tuzla i u BiH društvu u cjelini.

Pored toga, nastaviće se sa daljim razvijanjem i unapređenjem saradnje sa sindikatima, nevladinim organizacijama i udruženjima građana i ostalim subjektima civilnog društva koji svojim djelovanjem daju pozitivan doprinos na stvaranju povoljnijeg stanja u društvu, na njegovoj daljoj demokratskoj izgradnji i na planu neizbježne buduće postupne reforme političkog pluralizma u BiH, u zamjenu za sada preovlađujući pluralizam pučkih pokreta.

OBILJEŽAVANJA DRŽAVNIH I VJERSKIH PRAZNIKA, ISTORIJSKIH I DRUGIH VAŽNIH DATUMA

U skladu sa dosadašnjom pozitivnom praksom, Gradska organizacija SDP BiH Tuzla će kroz odgovarajuće aktivnosti svojih organa, foruma, savjeta i drugih radnih tijela i osnovnih organizacija i u toku 2016. godine uključivati se u obilježavanje državnih i vjerskih praznika, Majskih dana SDP BiH, istorijskih datuma i dana u kojima se vrše podsjećanja na različite oblasti radničkih, socijalnih i ljudskih prava i sloboda i demokratskih, slobodarskih i civilizacijskih tekovina i tradicija, a kroz organizovanje svečanih akademija, javnih saopštenja, čestitki, učešća na okruglim stolovima i različitim raspravama, druženja, izlete, prikladne posjete, javne akcije i druge slične aktivnosti koje su uvijek prilika za neposrednu i aktivnu komunikaciju sa građanima, građanskim udruženjima i općenito sa civilnim društvom i javnošću.

Ujedno će to biti i prigodne prilike za uspješnu promociju i afirmaciju programske politike SDP BiH i njenih političko - etičkih ideala među građanima (kao što su mir, sloboda, sigurnost, otvoreno građansko društvo, vladavina pravne države, antifašizam, patriotizam, ravnopravnost, solidarnost, jednakost svih ljudi u društvu, multikultura, socijalna pravda itd.), u godini koja je izborna.

Neke od ovih aktivnosti će se, po ukazanoj potrebi i mogućnostima, organizovati zajedno sa sindikatima, nevladinim organizacijama i ostalim subjektima civilnog društva kojima su bliska politička i programska opredjeljenja SDP.

Svi organi, forumi i savjeti u GO SDP BiH Tuzla će između sebe usaglasiti ko će konkretno preuzeti obavezu obilježavanja određenog praznika ili datuma (po Kalendaru praznika koji je u prilogu ovog Programa), sa kojim aktivnostima i u kojim gradskim sredinama i to planirati u svojim operativnim planovima rada i podsjetnicima za tekuće i dnevne aktivnosti. Tako će se unaprijed znati koji praznik planirano obilježava Predsjednik, Predsjedništvo, Gradski odbor, nadležni savjet, komisija, forum itd.

U okviru Majskih dana SDP BiH, GO SDP BiH Tuzla će na adekvatan način obilježiti 107 godina socijaldemokratije u Bosni i Hercegovini.

RAZVOJ SDP I UNUTARPARTIJSKE DEMOKRATIJE

Na planu sređivanja unutarpartijskih prilika i odnosa u SDP BiH, poslije građanskih protesta u BiH početkom 2014. godine i teškog izbornog poraza koji je SDP doživjela u istoj godini, na Trećem vanrednom i Šestom redovnom kongresu SDP BiH snažno je iskazano opredjeljenje za konsolidaciju, reformisanje i demokratizaciju Partije i u okviru toga, između ostalog, za:

- Reafirmaciju i osavremenjivanje principa i sadržaja unutarpartijske demokratije,
- Redovnu i bolju komunikaciju sa partijskom bazom i adekvatnije i cjelovitije međusobno informisanje i javnost rada svih partijskih organa i organizacija,
- Stvaranje uslova za veću, stalniju i konkretniju uključenost partijskog članstva u iskazivanje ideja, mišljenja, prijedloga i sugestija u fazi predlaganja i u fazi odlučivanja o najvažnijim partijskim pitanjima,
- Jačanje uloge osnovnih organizacija kao baznih ćelija partijskog djelovanja i kadrovske produkcije,
- Neophodnost promjene dotadašnje prakse u vođenju kadrovske politike na svim nivoima i
- vraćanje povjerenja članstva, simpatizera i građana u SDP BiH.

Uspješnom organizacijom unutarpartijskih izbora na kojima su članovi SDP BiH, po sistemu jedan član - jedan glas, u 2015. godini birali predsjednika SDP BiH i predsjednike općinskih/gradskih i kantonalnih/regionalnih organizacija, položen je prvi veliki ispit i učinjen vrlo važan korak u razvoju unutarpartijske demokratije u SDP BiH.

Isto tako, važan korak u demokratizaciji Partije učinjen je i promjenom dotadašnjeg načina kandidovanja za partijske i funkcije u zakonodavnoj i izvršnoj vlasti na način da se svi članovi SDP mogu i sami kandidovati za određenu partijsku, zakonodavnu ili izvršnu funkciju ili dužnost, neovisno od toga da li su evidentirani i predloženi od neke partijske organizacije, organa, foruma ili savjeta. Time je u značajnoj mjeri, na vrlo jednostavan i prirodan način, umanjena mogućnost samovolje i voluntarizma u sferi kadrovske politike. Način organizovanja izbornih procesa u okviru SDP BiH, u koji su uključeni svi aktivni članovi, garancija je da će članstvo pri odabiru između više kandidata zasigurno prepoznavati one koji zaslužuju njegovu podršku, a neće podržati one koji su utilitaristi, koji svaku i najmanju svoju aktivnost u Partiji ili neku zaslugu „moraju naplatiti dobrim njihovim pozicioniranjem“, kao i nezajažljive karijeriste i one ekonomske i druge moćnike koji uvijek moraju biti uz vlast ma čija ona bila, neprincipijelne lobiste i elitiste.

Na planu daljeg razvoja unutarpartijske demokratije, ostaje da se vrlo brzo i bez odlaganja učini još jedan vrlo važan korak, to jest da se kroz buduće redovno partijsko djelovanje pokaže spremnost da se podrži i osigura puna afirmacija partijskih organa, foruma, savjeta, osnovnih organizacija i partijske baze u sferi kreiranja partijske politike i odlučivanja o najvažnijim partijskim i kadrovskim pitanjima i na taj način omogući njihova puna kreativnost, učinkovitost i odgovornost. U suprotnom oni će i dalje biti marginalizirani, partijska planiranja i odlučivanja će se netransparentno obavljati u uskim

krugovima i tako će se upadati u rizik da se zastane na pola puta u ostvarenju zamišljene i planirane demokratizacije Partije.

4. Načini realizacije planiranih aktivnosti

Budući da je SDP BiH organizovana kao partija članstva, u narednom periodu će biti nužna puna mobilizacija svih članova i aktivista i u okviru toga jačanje akcionog jedinstva, drugarske saradnje i povjerenja među članstvom, te jačanje optimizma i vjere kod ljudi u sigurnu pobjedu i uspjeh Partije na izborima. Također će biti nužno otklanjati i predupređivati moguća, a u nekim sredinama i evidentna, pojedinačna nezadovoljstva naših aktivista, pojave malodušnosti i pesimizma, gubljenja optimizma i volje za dalji rad i djelovanje u Partiji i slično.

GO SDP BiH Tuzla će odlučno nastojati i insistirati na obaveznoj i dosljednoj realizaciji svih planiranih aktivnosti i na ostvarenju zacrtanih ciljeva, kao i programskih i političkih načela i opredjeljenja SDP BiH i u tom pogledu računa na punu odgovornost, predanost i jedinstvo svih organa Gradske organizacija, foruma, savjeta i drugih radnih tijela, osnovnih organizacija i svakog člana i aktiviste SDP BiH pojedinačno. U tom smislu će praktikovati dosljednu kontrolu izvršavanja zadataka i po tom osnovu njihovo vrednovanje.

Programe i planove rada za 2016. godinu usvojiće i svi forumi i radna tijela Gradske organizacije, kao i sve osnovne organizacije SDP i dosljedno se angažovati na njihovoj realizaciji.

Forum i radna tijela GO SDP BiH Tuzla će u svojim programima i planovima rada predvidjeti i određene svoje specifične aktivnosti na ostvarenju njihovih stručnih i interesnih prioriteta (ostvarivanje i afirmacija prava i povoljnijeg društvenog položaja mladih, žena, penzionera, prava radnika iz radnih odnosa, povoljnijeg stanja u oblasti obrazovanja, zdravstva, prirodne okoline, socijalne politike i pomoći socijalno ugroženim kategorijama stanovništva itd).

U redovnim partijskim aktivnostima i na provođenju izborne kampanje u 2016. godini potpuno će se, bez izuzetka, angažovati svi organi, forumi, radna tijela, osnovne organizacije i Izborni štab Gradske organizacija i svi članovi, pristalice i aktivisti SDP, a naročito članovi viših organa SDP BiH, poslanici na svim nivoima vlasti, vijećnici SDP u GV Tuzla, direktori javnih preduzeća, ustanova i institucija, članovi upravnih i nadzornih odbora i parlamentarnih i drugih komisija na svim nivoima vlasti koji su iz GO SDP BiH Tuzla.

Stalno voditi računa o omasovljavanju i podmlađivanju članstva, popravljajući socijalno-klasne strukture članova prijemom u članstvo, među ostalim, većeg broja radnika u industriji, rudarstvu, prerađivačkoj, poljoprivrednoj i prehrambenoj proizvodnji, samostalnih privrednika i zanatlija itd. Pored toga, kontinuirano raditi na širenju fronta pristalica SDP i uticaja SDP BiH u svim slojevima stanovništva i općenito na povećanju učešća SDP u ukupnom socijalnom kapitalu našeg društva.

Kad su u pitanju novi i mlađi članovi SDP, na organima GO SDP BiH Tuzla će se razmotriti potreba i donijeti odluka o realizaciji određenog programa njihovog idejnog osposobljavanja i edukacije o bitnim elementima politike (kao, na primjer, šta su to političko - etički ideali, političke partije, politički subjekti, politički procesi, demokratski izbori, parlamentarna demokratija, političke institucije, vrste političkih poredaka, saradnja političkih subjekata, koalicije itd.) Po procjeni i potrebi, u saradnji sa Centrom za edukaciju SDP BiH, organizovati i prikladne programe edukacije kandidata na izbornim listama o osnovnim znanjima i iskustvima za javne nastupe na političkim skupovima i u medijima i za ličnu i partijsku promociju .

Uz koordinaciju partijskih organa i Izbornog štaba GO SDP BiH Tuzla, sve osnovne organizacije će kontinuirano u toku cijele godine i vrlo angažovano provoditi aktivnosti na projektu sigurnih glasova, kao i na redovnim mjesečnim procjenama dostatnosti broja sigurnih glasova za ostvarenje postavljenih općih i posebnih izbornih ciljeva u Gradu Tuzla i na što češćem analiziranju koliko naši članovi, aktivisti, pristalice i simpatizeri uistinu za sebe mogu vezivati glasača za SDP BiH.

Imajući u vidu značaj predstojećih lokalnih izbora u BiH 2016. godine za GO SDP BiH Tuzla i za SDP BiH u cjelini, pa i za budućnost Grada Tuzle i Bosne i Hercegovine , bilo bi vrlo dobro i korisno kroz predizborne i izborne aktivnosti otkloniti evidentnu nezainteresovanost nekih naših osnovnih organizacija SDP na području Tuzle za Projekat sigurnih glasova koje ga, očito nekritički i linijom manjeg otpora, smatraju neprikladnim za njihove prilike i po njihovom sudu u konačnici neuspješnim. Međutim, sve dosadašnje izborne prakse i iskustva potvrdile su da na izborima pobjeđuje onaj politički subjekat koji je na vrijeme obezbijedio dovoljan broj sigurnih glasova. Nasuprot tome, inertno očekivanje dobrih izbornih rezultata koji nisu unaprijed osigurani i idealističko uzdanje u izborni uspjeh, samo su lutrija i politički romantizam koji nisu svojstveni i nedopustivi su u racionalnoj realnoj politici. Naravno, to ne znači da se osnovnim organizacijama uskraćuje mogućnost i autonomno pravo da, ovisno od specifičnosti političkih i društvenih prilika u njihovim sredinama, same izaberu, dopune i inoviraju njima najprikladnije forme i metode djelovanja na obezbjeđenju sigurnih glasova, ako će to zasigurno obezbijediti i neće ugroziti ostvarenje zacrtanog izbornog cilja.

Sve državne, vjerske, istorijske i druge praznike i datume u 2016. godini maksimalno koristiti za organizovanje različitih formi njihovog obilježavanja od strane naših organa, foruma i radnih tijela, ili za što veće učestvovanje naših članova i aktivista u obilježavanjima ovih datuma koje samostalno organizuju nevladine i druge društvene organizacije i institucije, a u kojima aktivno djeluje i nemali broj članova SDP. Sve aktivnosti Gradske organizacije koje budu realizovane u ovoj godini maksimalno će se medijski prezentovati prema građanima i javnosti kroz saopštenja za javnost, press konferencije, izjave, intervjue i gostovanja naših predstavnika u TV i radio emisijama i u štampi, kao i kroz SDP-ove web stranice, neovisne web portale i društvene mreže.

U tome treba koristiti mogućnosti i uključiti se u aktivnosti koje su planirane i najavljene od strane SDP BiH po pitanju unapređenja web stranice sdp.ba i umrežavanja u nju sa svojim

podstranicama svih općinskih/gradskih organizacija SDP u Bosni i Hercegovini, tako da će se na njoj, pored svakodnevnih priloga iz općina/gradova, moći promovirati i kandidati SDP sa njihovih izbornih listi. Također, treba se uključiti i u aktivnosti SDP BiH po pitanju modernizovanja internet kampanje. Na određeni način GO SDP BiH Tuzla će se trebati uključiti svojim priložima i u popunjavanje sadržaja planiranog novog SDP-ovog printanog glasila „Glas slobode“.

U mjesecu zvanične izborne kampanje provodiće se posebno sačinjen medijski plan Izbornog štaba i Službe za informisanje po kojem će se maksimalno koristiti prostor i vrijeme koje nam, svojim media planovima, budu dodijelili javni medijski servisi, ili koje budemo ugovorili sa komercijalnim medijima, za prethodne medijske najave i za medijska praćenja svih naših političkih skupova, promotivnih manifestacija, akcija i svih drugih aktivnosti i događaja u vrijeme zvanične izborne kampanje.

Na organima GO SDP BiH Tuzla ocijeniti svrsishodnost i potrebu aktiviranja u 2016. godini vijećničke kancelarije u sjedištu Gradske organizacije SDP BiH Tuzla.

Poslije Lokalnih izbora, u oktobru 2016.godine, sačiniće se izvještaj o radu Izbornog štaba, a Gradski odbor SDP će obavezno sačiniti Analizu provedenih izbornih aktivnosti i izbornih rezultata i nakon njihovih razmatranja i usvajanja, opredjeljivaće svoje dalje aktivnosti na organizacionom i akcionom planu.

Podsjećanje na zadatke iz ovog programa i na njihovo izvršenje detaljnije će se razrađivati blagovremenim konkretnim instrukcijama rukovodstva GO SDP BiH Tuzla prema njenim organima i prema osnovnim i interesnim organizacijama u okviru GO SDP BiH Tuzla.

Program rada će se, po ukazanim potrebama, dopunjavati i mijenjati.